



Broj: 02-04-150-14/24  
Datum: 20.06.2024.godine

Na osnovu člana 64. stav 1. tačka b. i člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), te dostavljenog Zapisnika o pregledu i ocjeni ponuda broj: 02-04-150-12/24 od 19.06.2024.godine i Preporuke Komisije za javnu nabavku broj: 02-04-150-13/24 od 19.06.2024.godine, u otvorenom postupku javne nabavke roba „Nabavka i ugradnja opreme sistema profesionalne radio komunikacije i operativnog centra Civilne zaštite općine Doboj Jug“, Općinski načelnik donosi:

### **ODLUKU** **o izboru najpovoljnijeg ponuđača**

#### Član 1.

Na osnovu preporuke Komisije za javne nabavke i nakon provedenog otvorenog postupka javne nabavke roba, broj javne nabavke: 02-04-150-7/24, „**Nabavka i ugradnja opreme sistema profesionalne radio komunikacije i operativnog centra Civilne zaštite općine Doboj Jug**“, kao najpovoljniji izabran je ponuđač „MIBO Komunikacije“ doo Sarajevo, po ukupnoj cijeni ponude od 87.425,00 KM bez PDV-a.

#### Član 2.

Izabrani ponuđač je dužan dostaviti dokumente iz tačke 12.3. i tačke 12.5. tenderske dokumentacije u roku od 5 dana od dana prijema ove odluke.

#### Član 3.

Prijedlog ugovora o predmetnoj nabavci radova će se dostaviti na potpis izabranom ponuđaču u skladu sa članom 72. Zakona o javnim nabavkama.

#### Član 4.

Ova odluka objavit će se na web-stranici Općine Doboj Jug, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### Član 5.

Ova odluka dostavlja se zajedno sa Zapisnikom o ocjeni ponuda svim ponuđačima koji su učestvovali u postupku javne nabavke, u skladu sa članom 71. (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke roba broj: 02-04-150-6/24 od 14.05.2024.godine.

Javna nabavka je provedena putem otvorenog postupka javne nabavke, prema kriterijumu najniže cijene.

Procijenjena vrijednost javne nabavke „Nabavka i ugradnja opreme sistema profesionalne radio komunikacije i operativnog centra Civilne zaštite općine Doboj Jug“, iznosi 87.425,00 KM bez PDV-a.

Ugovorni organ je na portalu Agencije za javne nabavke BiH, dana 14.05.2024.godine objavio Obavještenje o nabavci broj: 777-1-1-41-3-8/24 zajedno sa Tenderskom dokumentacijom za dostavljanje ponuda za navedenu nabavku, dok je obavještenje dostavljeno u Službeni glasnik BiH na objavu.

Komisija za javnu nabavku imenovana odlukom broj: broj: 02-04-15-1/24 od 03.01.2024.godine (u taljnjem tekstu: Komisija), je dana 13.06.2024.godine blagovremeno i pravilno izvršila javno otvaranje pristiglih ponuda o čemu je sačinila Zapisnik o otvaranju ponuda broj: 02-04-150-11/24, koji je prosljeđen ponuđaču koji je učestvovao u postupku.

Nakon otvaranja ponuda, Komisija je dana 19.06.2024.godine započela pregled, ocjenu i poređenje ponuda o čemu je sačinila odgovarajući zapisnik, te konstatovala slijedeće:

- da je blagovremeno pristigla 1 (jedna) ponuda i to ponuđača: „MIBO Komunikacije“ doo Sarajevo;
- da nije bilo neblagovremeno pristiglih ponuda;
- da je ponuda ponuđača: „MIBO Komunikacije“ doo Sarajevo ocjenjena prihvatljivom i u skladu su sa tenderskom dokumentacijom;
- da nema ponuda koje se odbijaju i isključuju.

U skladu sa tačkom 22. tenderske dokumentacije, za ponuđače čije su ponude ocijenjene prihvatljivim, bilo je predviđeno održavanje E-aukcije.

Kako je nakon pregleda ponuda primljena samo jedna prihvatljiva ponuda, to e-aukcija nije zakazivana nego je postupak okončan u skladu sa članom 69. Zakona o javnim nabavkama, te je utvrđena konačna rang-lista ponuđača, kako slijedi:

R.br.	Naziv ponuđača	Konačna cijena u KM bez PDV-a
1.	„MIBO Komunikacije“ doo Sarajevo	87.425,00 KM

Komisija je odgovornoj osobi ugovornog organa dostavila Zapisnik o pregledu i ocjeni ponuda broj: 02-04-150-12/24 od 19.06.2024.godine, sa Preporukom o izboru najpovoljnijeg ponuđača broj: 02-04-150-13/24 od 19.06.2024.godine u postupku javne nabavke za robe „Nabavka i ugradnja opreme sistema profesionalne radio komunikacije i operativnog centra Civilne zaštite općine Doboj Jug“.

Izbor najpovoljnijeg ponuđača izvršen je na osnovu kriterija najniža cijena, te u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača „MIBO Komunikacije“ doo Sarajevo, kao jedinog ponuđača koji je dostavio ponudu, prihvatljiva i izabrana kao najpovoljnija zbog cijene koja je ponuđena u iznosu od 87.425,00 KM bez PDV-a.

Iz svega navedenog primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

#### ***Pouka o pravnom lijeku***

Protiv ove Odluke može se izjaviti žalba u roku od 10 (deset) dana od dana zaprimanja Odluke.

Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od 3 (tri).

Dostavljeno:

1 x Služba za budžet, fin. i priv.

1 x „MIBO Komunikacije“ doo

1 x u spis službenika za JN

web stranica Općine

1 x a/a

OPĆINSKI NAČELNIK

Mimes Tukić, dipl.ecc

